

¡Vamos a jugar!

con el **Rincón de**
Juegos

¡Awkantumeiñ! Rigkon **Awkantun** mu



Rincón de Juegos

¡Vamos a jugar!



Tati **Rigkon Awkantun (Rinju)** tami küwü niel, feyta kiñe kellu wülkelu Eymi Yemu Txemüy Chile, kom pu püchike che, püchike wentxu ka püchike zomogealu, kom tati konkelu NT1 well epe konkülelu kínder mu komchegeachi chillkatuwe mu, püchike che kardin JUNJI ka püchike che ñi kardin Fundación INTEGRA. .

Eymi Yemu Txemüy Chile nüwküley Chile estaw ñi Zapi püchike chewe mu. Ellaka mu müten ompañituniefi püchike wentxu, püchike zomo ka ñi reñma, zoy küme txemam egün.

2016 mu llituy ta tüfa , kompañitucheley kom wünelechi etapa mu, femgechi zoy ayiwüngechi kimkantukey ti püchike che, awkantun mu, azkakan mu ka fill rakizuam mu.

¡Magelkünuwaiñ tamün küme püneafiel tüfachi **RINJU** ka pewmagen ayiafimün!

Eymi Yemu Txemüy Chile ñi Nasiona Txokiñ
Püchike che ñi Subsecretaría
Zoy Küme Amulgeam Kom pu Che ka Reñma
ñi Ministerio.

Kimeltuwe Subsecretaría ñi Txokiñ Pü-
chike che ñi Subsecretaría
Kimeltuwe ñi Ministerio.

¿Chem anta Awkantun Rigkon? Rinju

Tati Awkantun Rigkon (RINJU), feyta ta kiñe welliñ ey mi tami püchike chegealu, tañi awkantunam egün, itxofill peyeam egün, gütxamkayam kake püchike che yegün ka tukupayam egün ñi chumgechi txokinen ta tufachi mapu. Kizugüwchi awkantun kellukey ñi zoy küpa kimal kake zugu yegün ka chem-chemtuam itxofill zugu , femgechi lleqkülerpukey fillke kimkantun, kake rumechi kimkantun.



¡Müna kümey güchalnien awkantun taiñ püchike che!

Pütü müna kümey feytachi awkantun zoy amulam küme txemün ka kimkantun taiñ püchike che, feymu feychi lilitulu 2017 Eymi Yemu Txemüy Chile elukünufi kom püchike che, püchike wentxu ka püchike zomo konlu Kom che ñi Ekuela mu, Püchike che Kardín JUNJI ka Fundaciön INTEGRA ñi püchike che kardín mu, kimkantuam püchike che, **Awkantu Rigkon (Rinju)** pigey ta tüfa.



¿Chem Anta niey feytachi Rinju?

RINJU ñi wellin

Feytachi wellin ta zewmakantukeyu püchike che, püchike zomo well püchike wentxu, kizugünewün awkantuam egün ka küme txemam egün **¡Awknatuiñ!** Feytachi chemkün ta zewmakünuayu ta kiñe futa che.



Püchi tukukan yewün

Konküley matu txemkechi püchike fühn ka meli elrayenwe küpalniey, kiñe utxukowe, kiñe püchi pala, küla sofre semillagelu (silantxo, alfaka, perkil, rafanu), kiñe mew tukukayam kiñe tukukan ka kimkantuam ragi rayen, ragi anümka.



9 lifru cuentugelu

9 cuentu nielu fillke diwuku azkonkülelu tati fillke zugu txipalelu lifru mu, femgechi ayiwüngechi chillkatuay püchike che pu reñma mu.



Küme witakünuwam chi txafla

Kiñe püchi txúgkür disku, mamüll mu zewkülelu, kom küme nhegümam ñi kalül.



Füñapuegenochi tiza

Ayiwüngechi pintaakantuam ka kizu zewmayam ñi **RINJU**.




Zera mu
zewkülechi
wiriwe

Kiñe kütxüg wiriwe diwukayam
ka azelkayam **RINJU**.



Yaqeltuam
chi makuñ

Küchagekey tüfachi makuñ,
ünhifkünugekey, kiñeñpüle
rupakelay ko, feymu zoy
ayiwüngechi awkantuay püchike
che.



Luzo
wirintukuwe

Kiñe püchi wirintukuwe feyta,
awkantuam, pintayam ka
kagelzuamam.



Püchin
pühantukuwe

2 püchike tira niey tami
azkakayam ti **RINJU** well tami
agel.



Püchike
pühantukuwe

2 agel ka kiñe kiñe agel
zewmakantuan kake püchike
agel, kagelzuamam püchike che.



Chumgechi púnegekey: RINJU

¿Chumgechi zewmagekey ti RINJU?

Feytachi kaja mu chillkatuaymi ñi chumgechi zewmageken tati RINJU fey nielmi ramtun, ramtumuaiñ ta www.crececontigo.cl

Kiñe zugu tukulpage, küla chemkün niey **RINJU**; epunchike limeñ, kiñe POP-UP karpa ka kiñe flag karton chemkün.

Kom feytachi chemkün müley tañi zewmayal kiñe fütxa che.



Upenoalchi zugu:

- Kiñe fütxa che müley ñi zewmayal ka wihatual tufachi karpa.
- Müley ñi azkintuniegeal püchike che awkantulele yegün.
- Zewmagele tati karpa, gülatxipafemay, alhütüxipaleaymi gülatxipale.
- Fülümnielayafimi ina küttxal well areleyechi chemkün mu.

¿Chumgechi pepi pünegeafuy?

¡Chumgechi rume, püchike wentxu ka püchike zomo müten müley!

Kizugünewün **awkantuñmupe** müten püchike che tañi **RINJU Awkantun Rigkon** mu , afmatuwam ñi azkakaken mu fillke chemkün, tañi küme logkogen mu ka fillke rakizuam nien mu! **Kiñeke gülam...**

a) **Epüñ püle agegechi llimeñ kiñeñ püle tiza llimeñgelu kagelu mu niey kiñe komütuwe chw ñi pepi dibujayam püchike che.**



b) **Kiñe kelü pañu karpa feymu awkantuafuy püchike che.**



c)

Kiñe karton chemkün azkakagekelu, ka femgechi elkünugeafuy awkantu ka lifru fey mu, titere teatxo, püchi gillakawe well kake awkantun nientule tati püchi che.



Chumgechi zoy küme pünegeafuy: Püchi tukukan.


¿Chumgechi zewmageafuy tüfachi püchi tukukawe?

Tukulpage feytachi zugu:

- **Rabanitu, alfaca, perekil ka cilantxo** ta matu txemkechi fünh ta niey. Kiñe reqlentu mu txipayafuy tati anümka.
- Zuanney antü tüfachi püchike anümka, enteru txipantu tukukageafuy.


Kiñe txekan

Püchi tukumün txufür maseteru mu, püchi tukulelamün müten txufür maceteru mu. Müna kümeafuy tukulelgele kurü txufken well kolü txufken, femgechi zoy küme txemafuy fünh.



Epu txekan

Txufürgechi maseteru mu tukumün ti fünh mülelu sofre mu. Epu chagüll kuwü reke ka fente tukuaymün fünh mapu mu.



Küla txekan

Küchumün mapu.



Meli txekan


RINJU mu konkülechi tiza ta pünegeafuy, wirintukulelgeafuy tati anümka ñi üy.

Fentana püle elkünueymün maseteru, pañitua.



Kechu txekan

Güchalaymi tami püchike che ñi tukukolafiel ti maseteru reqlentu mu. Kümey ñi pontukulelnoafiel ko, pütXün kogeafuy, fill antü narfülele tati txufür kümeay



Kayu txekan

¡Azkintunieafimün ñi chumgechi txemün egün!



Chumgechi zoy küme pünegeafuy: Püchi tukukan.

Ragi itxofill mogen kimkantuaiñ

Müna kümey kimkantu mu ta ragi itxofill mogen mu müleyem ta püchike wentxu ka püchike zomo, femgechi zoy küme kimkey fillke zugu yegün, malhükayem chemkün egün, nümütuyem egü ka allkütuyem egün. Pekey weke zugu püchike che awkantuyem ragi itxofill mogen, chumkawkeygün, chumafuy chi famkünügele pikeygün... kintukey kake rumechi kümelzugun egün ka fillke zugu azkakakeygün.



Müna küme wellin ta itxofill mogen, fill zugu mu inaramtukey püchike che, amulniekey ñi fill zugu koimnierpun egün ka afmatuaygün ti püchike wentxu ka püchike zomo.

Ragi fill itxofill mogen wellin mew miawle ti püchike che kim azkintuaygün ka kim yamafi ti itxofill mogen egün, femgechi kimnieygün ñi chumgechi kelluken egün kizu yegün yamgele tati itxofill mogen, kom che ta küme txipakey feytachi zugu mu.


Ka femgechi, müna kümeafuy püchike wellin itxofill **mogen mu konle püchike wentxu ka püchike zomo**, femgechi ta küme zoy küme txemkey egüni.



Chumgechi zoy küme pünegeafuy: Piknikgeachi makuñ

Ragi piwchil mu mizawün

Kiñ reñma zuam ta ayiwün ragi itxofill mogen, femgechi pepi awkantukeiñ ka kiñe mu mülekeiñ. Feymu, kiñe püchi piknik makuñ tukuiñ RINJU mu, epuncheikegelu, rupakelay ko ka püchi, kom püle wixayawülgeafuy.




**Kiñekemu küzawgey, welu elufige
kiñe püchi awkantuwe wellin tami
püchike wentxu ka püchike zomo, ragi
piwchil ta kümey ka eyimi ka femgechi
ayiwmayafuyimi feychi awkantun.**

Chumgechi zoy küme pünegeafuy: Lifru kuentu

Chillkatun, küme zuamün ka kimkantun

Itxofill mapu mu yekeiñmu ta chillkatulifrun, apolelu fillke zugu mu, az mapu mu, pezkiñ mu, tukulpan zugu, afmatufalke che, rakiämün kake wechun nütxam, ka chumgeachileafuy tati kuentu akek zugu rupapele.

Müna kümey azkakan zugu mu tati chillkatulifrun, femgechi ta ayiwmayafuy ka kagelzuamüngeafuy tati chillkatun kiñe lifru, fyechi püchikelu püchike che müten ta kümefuy atxolün lifru, müna kelluafeyu lifru, azkakan mu, kimkantun mu, kom zugu azümkechi kewünh ka ffemgechi kimay kake rumechi nemül.



Ayiwam ka kafhgelzuamam ta püchike wentxu ka püchike zomo müley taiñ azkintunieafiel egün, iñchiñ ta fütake chegen mu, chumgen mu iñchiñ, kompañtuliyiñ taiñ püchike che ta chillkatun mu ta kümeafuy, ka femgechi püneafuyiñ taiñ kalül ka tiñ zugun amelkantun mu, femgechi ta zoy ayiwmayafuygün, gütxamkale tati püchike ka fütake che chillkatun mu ta küme amuafuy leyen, komfianza mu gütxamkawafuy ta che, ramtukawün mu kütu, ka ti zugu txipalelu lifru mu, kiñe fütxa gütxamkawün ta txipayafuy ta tüfachi zugu mu, femgechi amule chillkatun, femgechi ta kimgeafuy chumlen taiñ püchike wentxu ka püchike zomo, ka femgechi kimgeafuy chem rakizuamkülen egün.



Chumgechi zoy ayiwmageafuy ti pu kuentu



Gamchemchi zewmayafuiñ tati kom pu kuentu küpalelu mu, fillke zugu txipayafuy tai püchike zomo ka püchike wentxu ñi leyekantun mu, re zugun mu well chillkatun mu. Feytakechi zugu chemgeafuy:

Müna kümey gütxamkan mu püchike wentxu ka püchike zomo, leyenierpueym ñi kuentu yegün, femgechi fillke zugu txipayafuy, ka kake wechun kuentu zewmageafuy. ramtukageyem egün chem rakizaum nentun ti kuentu mu ka chumlen egün, kake üy ka tukulelgefuy tati pu che txipalu kuentu mu, chumafuy kake zugu rupapele ti kuentu mu, ka ramtuageafuygün ñi chem rakizuamkülen egün ñi chumünmu ti pu che txipayelu kuentu mu.

Müna kümey profechan mu ti pu azentu txipalu kuentu mu, feytachi pu azentu ta kümeafuy nentunierpun fillke razizuam püchike che ka fütake che, femgechigeay tati kuentu nienolu wirintukun wellu rume püchinelu wirintukun. Ka femgechi müna kümey profechan ñi fillke azentun txipalelu, az pezkiñ, nümün lifru ka fillke ramtun txipale ti az pezkiñ mu zoy kümey, chuchi zoy ayigün, chumgechinaqkeygün, chumkeygün, chem txokiwün egün peyem kiñe fikura yegün well epe felelu, chumgekey am tati che pintalu tati kuentu, iñi pieagy chi ti pu che txipalu kuentu mu, ka kake zugu.



Chumgechi zoy küme pünegeafuy: Küme wixakünüwpeyüm chi txafła

Awkantun ka nhegümün

Awkantun mu ta kimakantukey ka gütxamkawkey püchike che, tukulpakey ñi chem rakizuamnien a mapu yegün. Müna ayikey ñi awkantual egün, kom püchike che femgey, femgechi kimnierpukey ñi mapu yegün ka fillke zugu logkontukunierpukeygün ¡We püchike chegeyem ta che ta awkantun ta pütü müna falilley ka falintukeyu püchike che!

Welulkawkelay püchike che awkantuyem, feyta ta müna küme zugu, chumkawafuy püchike che, ka küpa kimkantuleyem egün ta fillke zugu kimkeygün, welulkawli ta fey wüla ta ka chem-chemtuafun, txipale wüla tañi rakizuamnepelchi zugu ta tügafun, chumgechi azümnepel logko mu reke.



Refaltegey awkantu püchike **wentxu** mu ka püchike zomo mu, **igelkelaygün kiñe kullin rupan awkantuyem egün, ayiwkey ñi awkantual egün, küme zuamkeygün, fe** gechi fillke zugu mu rupakey püchike zomo ka püchike wentxu. Awkantuyem püchike che, kakelu yegün, püchike wentxu ka püchike zomo kimüwkeygün, chem-chemtukeygün, fillke zugu zewmakeygun.




Ti awkantun ñi zuam mu kimkey ñi kalül ti pu che ka kimkey ñi chem pepeí femal egün, kúzawkalülkeygün, kúzawgeyem tati wixaküwün , günen, kizugünewün, logkontukun, ka kiñe küme maneluwüngечи wellin mu awkantule che, femgechi kimaygün ñi chemketu zugu pepeí femken egün, femgechi zoy maneluwafuygün ñi awkantual fillke zugu. Tati nhegumün, müna kümey fillke zugu mu, kümey ta kimkantun mu, elugeyem ñi fillke zugu zewmayal tati püchike che ta kümey kom zugu mu, fillke wellin mu konyem püchike che, püchike zomo ka püchike wentxu ta fillke awkantun zewmakelley püchike che, ka gütxamkefi ti kake che yegün.



Chumgechi zoy küme pünegeafuy: Küme wixakünuwpeyüm chi txafla

Chumgechi pünegeafuy ta küme wixakünuwpeyüm chi txafla

Müna kelluy küme txemün mu ta femgachi awkantun, femgech ta püchike che zoy zoy kim günekey ñi kalül egün, zoy küme txemkeygün. Küme nhegumam ka küme wixakünuwam egün, zoy kimuwküleaygün ñi chumal kalül mew, kimaygün ñi chem pepi femal, zoy alhü manelaway.



Tati küme wixakünuwam ta kellukey kalül küzawün mu, fmegechi zoy küme küzawmakey ñi kalül ka ñi zoy küme txemkeygün, zoy küme kimeygün ñi kake rumechi txoy kalül ka kimkeygün ñi chumgechi zoy güneal ñi kalül (Lipag, chag, logko)

Kizu awkantuam mu pünegeafuy, well kake püchike che ka awkantupayafuy, kiñe mu awkantuafuy püchike wentxu ka püchike zomo, weluke konafuygün well kuzeafuygün tañi iñi zoy küme wixakünuwken, fillke awkantun mu ta zoy rakizuamafuy püchike che ka maneluwafuygün.

Chumgechi zoy küme pünegeafuy: Agel ka pünhantukuwe

Agel:


Kellu zewmageyem agel ka kellu awkantugeyem ta zoy ayiwkey püchike che, zoy küme txemafuy tami püchike che. Feymu, **RINJU** mu konküley püchi alhün agel, 1 ta püchike che ñi zewmayal ka 2 kay zewkülewye.



1 agel zewmayam ñi agel
püchike che.



2 zewkülewye



Pünhantukuwe ka cera wirilwe

Chumkageafuy **RINJU** püchike che mu, feymu küpalniey 2 epu tira pünhantukuwe ka cera wirilwe pintakayam egün. Chumgechikünugeafuy rume püchike che mu.

Ka epu püchike pünhantukuwe küpalniey zewmayam teatxo ka amelkantun, chumte rupa rume püchike che mu..




Diwukan, güpün ka awkantun



Papel egu wirilwe ka kümeafuy awkantuam, güchalniegele ta püchike che chumgechi rume awkantuam, chumgechi amuley ñi rakizuam ka femgechi awkantule püchiche ta kümey. Feymu, **RINJU** tukuney kiñe “Luzo-wirintukuwe”, küpalniey kake rumechi awkantun. Chumte rupa rume pünefimün, chem pial püchiche müten müley tati. ¡Awkantuiñ!



¿Chungelu fente kümey awkantun?



Awkantun

Tati awkantun ta muna kümey apoyanb mu taiñ püchike zomo ka püchike wentxu küme txemam egün.

Muna faliy ta awkantun, püchike che mu, itxofill zugu kimkeygün awkantuayem egün ka muna küme txemkeygün. ¡ Awkantun ta muna kümey püchike che mu!

Feymu ta zewmayiñ kiñe **AWKANTUN RIGKON**, feyta mu ta pepi awkantuafuy fillke awkantun taiñ püchike che well eymu ketu awkantuafuyi.

Feytachi lifru mu ta küpa eluniewuyiñ ta fillke gülham zoy küme txemam ka zoy zoy kimam fillke zugu tami püchike che... ¡Awkantun mu!

1



Chem küme zugu wülkey awkantun:

- Kim awkantukey ka gütxamkakeygun kake che yegün.
- Femgechi nentukey ñi chem rakizuamkülen egün.
- Zoy maneluwkey kizu yegün mu.
- Feyta ta kimkantupeyüm püchike che.

Tati awkantun mu pepi rakizuamkey püchike che, fill zugu kimkeygün, chekantukeygün ka femgechi zoy kimkey ñi chem zoy pepi femken egün, ka nentukey ñi chem rakizuamkülen mapu mu. Ti kizugünewün awkantun ta elukefi ñi fillke zugu kimal püchike che ¡Femgechi txipalerpuy kimün!

¡Fillke zugu mu ta zoy küme txemkelley tami püchi ñawe, püñeñe well fothüm, rakifalay kümeke zugu!

Mapu mu yümülyem püchike che ta muna kümefuy, winolün, püran kiñe pürawe mu, püra aliwenün well pakarwa reke rigküyem egün ka fillke zugu zewmayem ñi kalül mu yegün, ka chumgechiwken kalül kiñeke zugu mu. Femgechi ta maneluwkey kisu mu tati püchike che, ka tukulpayay kom ñi nien ñi zewmayal.



2



Ti televisión ka kom lektxoniko yewün ta elukelafi ñi awkantual püchike che, feymu:

- Meli txipantu niele püchi che müley ñi azkintunoal televisión aylla mari minutu.
- Pünekilge tati televisión, mütxümwe, tableta well komputazor, petu tami kuzunon.
- Itxo txipa pantalla ilmi ta kimlayafuymi rume tami chumte in ka newe gütxamkawelayafuymi tami püchike che yemu. Itxo txipa pantalla ikilge.



Alhüchi wellin ta muna kümey awkantuam püchike zomo ka püchike wentxu.

Kizutu awkantukey ta pu che küme kimkantuam ka malhükayam kom chemkün mülelu wallpa, **jiñi rume kimeltugekelay awkantun, püchike che no rume, lleqyem müten kimkey feytachi zugu yegün!** Txemkülerpuyem, zoy kagekey ñi awkantun ka kake awkantun zoyümnierpukeygün. Femgechi awkantukeygün, allmalltukeygün, kiñe kuñiwgenochi wellin ta müley tañi elugeal egün, femgechi zoy küme zewmakey ñi awkantun egün.

3

¿Chumgechi awkantukey püchike che fanten txipantu nieyem egün?

Meli txipantu nieyem taiñ püchike che Tati awkantun zoy zoy kagekey ka Chekantuyem egün, fillke zug rakizumkeygün.

¡Müna kümey ñi kake rumechi awkantun ka kakerumechi zugu mu konün ta püchike che, fillke awkantun zewmayafuygün, "püchike wentxu awkantun" ka "püchike zomo awkantun" pinoal che!

Pu wentxu ta müley ñi zapiafiel Kakelu, müley ñi elugeal ñi güman egün ka pial ñi chumgechi zuamkülen egün. Ti pu püchike zomo müley ñi püneal kalül egün, müley ñi newengelu txokiwal egün ka muley ñi zapiwal egün.

4 ka 6 txipantu nieyem ti püchike che wefkey tati Inayentun awkantun, feymu ti püchike zomo ka wentxu inayentukefi tañi zoy zuamniel chi che. Kiñeke mu inayentukefi kiñe mogelchefe, kiñe kimelfe well kiñe fenzefe, müna ayiwmakey tufachi awkantun egün..



Fante txipantu nyem püchike che ta llitukey ñi feypial chumgechileal awkantun...

**IAZKINTUGE MI PÜCHI
ZOMO WELL PÜCHI
WENTXU FEY KA
AWKANTUGE!**



4



- Ayikage ka zakikage tami püchike che.
- Ayentukefilge llikaleyem egün ka rakizuamküleyem egün.
- Elufige ñi kizu azkakayal ñi zugu yegün ka kizu yegün müten pial kiñe zugu mu.
- Faley, falekelay tüfachi awkantun pikelge.

¡Chew ñi mülem kümekawün ka genoma kuñiw ta lleqkey awkantun!

Püchi azkintulmi tami püchike che ta peaymi ñi chumgechi awkantuken , zoy kúme awkantuken ragi zuamnielchi che mu müleyem, chew ñi zapiniegemu.

¡Chew ñi kümemu ta iñchiñ, tügkülechi wellin mu ta kümelekeiñ, femgechi kom pülem rupakeiñ!

5

¡Awkantun ka kimkantun!

Kizugünewün awkantuyem ti pu püchike che zoy kúme kimkeygün, zoy alhün zugu kimyem eti püchike che, püchike zomo ka püchike wentxu ta zoy kimeygün, **¡awkantun mu ka kom rupan mu ta fentxen neurona txawükey!**




Kizugünewün awkantun ta kúmey, metekonomum fütake che, püchike che ñi llitulkal ka wechulkal ta feytachi zugu. Femgechi zoy kúme amukey tati kizugünewün awkantun, kúmey ta nien kuñiwgenochi wellin, üllüfnoam püchike che.



Elufige ñi awkantual kake püchike zomo mu ka püchike wentxu mu:

- Lefkantuum awkantun.
- Tüg awkantun.
- Azkintulifrun.
- Diwukan, güpükan ka pintan.
- Chem-chemtuamchi awkantun ka pozümüwpem.
- Muzika ka txalolün.
- Ragi piwchil awkantun.
- Ragi tami püchike che mu mülege, welu kakintulekilge (azkintunieafuyami tami gütxümwe).
- Zoy alhüpe rami püchike che ñi rakizuam, kake rumechi wellin kontupe yegün, plaza, parke, gilawe, kiñe kragka, ka kake welli tami ayikel ka ñi ayikel egün.
- Püchike küzaw elufige ñi zewmayal egün.
- Kimeltufige ñi ügümam egün, gütxamkayam wenhi yegün.
- Elufige ñi awkantual kake püchike che yegün.



Kizu günewün awkantun amulgele ta müna kümey, femgechi zoy küme txemkey tatiñ püchike wentxu ka püchike zomo. **Ti awkantun kellukey logkontukun mu, ragi che mu miawam, zuam mu ka zugn pühike che mu.** Femgechi kimkantukeygün ñi chumgechi norümal kiñe zugu, fill antü txipakelu, ügümal egün, günewal egün, kizu yegün mu maneluwam, ka kake ümeke zugu.

Awkantuyem tami püchike che yemu, püchike zomo ka püchike wentxu yemün ta ayiwüngey, zoy newenmayafiel ñi chumkawken egün ka zoy zuamuwam chillkatun mu, pelotual ta fillke zugu.



¿Chumgechi pünegeafuy ta RINJU ruka mu awkantuam ka küme txemam püchike zomo well wentxu?

Tati **RINJU** fentxe niey zewmawe ka fillke zugu mu awkantuafuy che, femgechi nieay kiñe welliñ tami püchi zomo well püchi wentxu Ruka mu. Küme amulniegele tati awkantun ta fenten kümeke zugu mu kellukey, femgechi küme txemkey püchike che.

Tati RINJU ta azkakawafuy, chempiel müten tami püchi zomo well püchi wentxu, feyta reke:

Kake awkantu ka püneafuy mi müñall pünelmi ta RINJU, feytachike chemkün reke:

- Azkakawün awkantun well “femfaluwam”: soltawgeamchi lupa, kiñe kapa superhéroegeam, titereyam chi miton.
- Muzikagechi awkantu.
- Akuarela ka masan.
- Wütxu, challa, karey tazon, kartón tuwu, wellin kaja ka revita, fillke yewün.



iKiñe teatxo!



iKiñe gillakawe!



iKiñe wardia!



iKiñe leyeam chi wellin!




iKiñe llimeñ!

Ka zoy alhün yewün...

iAwkantuiñ!

Eymi Yemu Txemi Chile

Feychi pütxa mu müleyem ti püchike che müten ta konkey **Eymi Yemu Txemi Chile**, feyta ta **Kelluchekechi Sistema Intersectorial**. Feychi mu müten konkey püchike che, wentxu ka zomo konkey ta fillke kümeke zugu mu ka müna kellugekeygün.

Kek prestasyon, ke ou gen dwa avé yo	Grosès	Nesans	0 a 4 anivèsè	5 a 9 anivèsè
Sosyal	Dwa ak Aksè nan sibvansyon fanmi inik (SUF) ak moun ki fè pati rejis sosyal fwaye epi ki nan 60% vilnerab nan popilasyon an.			
Nan sante	Premye Atansyon	Hopital	<ul style="list-style-type: none"> •Kontwòl sante •Atelye pou sipò fanm ansent •Vvizit lakay 	
	<ul style="list-style-type: none"> •Atansyon pèsonalize •Atelye an gwoup pou preparasyon akouchman. 	<ul style="list-style-type: none"> •Kontwòl sante •Vizit lakay pou fanmi yo ki nan risk. 	PASMI Pwogram sante mantal timoun Pou timoun ki gen maladi sante mantal JUNAEB.	
Nan edikasyon	<ul style="list-style-type: none"> •Bay materyèl edikasyon 	<ul style="list-style-type: none"> •Atansyon sikososyal pou timoun ki ospitalize. Remèt yon bwat komplè ki gen 12 pwodwi, tankou kuna, meitai Lèt ak lòt bagay 	<ul style="list-style-type: none"> •Entèvansyon nan timoun ak charjman entegral 	<ul style="list-style-type: none"> •Atelye pou manman ak papa pa gen moun ki pafè
			Gadri/ Jaden Anfan <ul style="list-style-type: none"> •Jaden enfan JUNJI oswa entegre gratis pou timoun ki fè pati 60% nan fwaye ki plis vilnerab. 	Lekòl piblik ak jaden anfan JUNJI ak fondasyon entegre Lè w antre nan prekindèr oswa NTI nan etablisman minisipal, jaden JUNJI epi, jaden fondasyon INTEGRA yo baw Rincón de Juegos Kwen pou Jwe 

Tati **Awkantun Rigkon** ta nüwküley tati Chile Estado ñi kellucheken mu, kellukefiel püchike zomo ka wentxu, zoy küme txemam kom ti püchike che, feytachi chemkün newenmanieyü yegün kom aylla txipantu mu.


Femgechi tati **Awkantun Rigkon** ta azkonüy kom ti nor zugu ka kellu wülkelu **Eymi Yemu Txemüy Chile** feyta mu konüy ti ajuar wülgekelu Red Pública Salud mu (2009 ñi wülniegen); tati **psicosocial kellun** kellukefilu ti nieyelu kiñeke zugu ñi küme txemam (2008 ñi wülniegen) well ti **falichi kellun** ta kellukelu pu püchike zomo ka wentxu pepi nhegumnolu kiñeke txoy kalül, ka kake zugu.



Rincón de Juegos

¡vamos a jugar!

www.crececontigo.cl

 chcrececontigo

 @CreceContigo

 Chile Crece Contigo

 Chile Crece Contigo

 Indie es perfecto

Talleres Educativos



Programa radial
Creciendo Juntos.

Sipò sikolojik pou paran
Apoyo psicológico gratuito para la crianza

Fonoinfancia
800 200 818

llama o chatea de lunes a viernes de 8:30 a 21:00 hrs.
Rele oswa chat de lendi a vandredi depi 8:30 rive 21:00 hrs.

Pou tèm sante konsilte nan:

SALUD RESPONDE
600-360-7777

PROFESIONALES DE LA SALUD ATENDIENDO TUS DUDAS LAS 24 HORAS, LOS 7 DIAS A LA SEMANA.
Pwofesyonèl sante reponn kesyon ou 24 èdtan pa jou, 7 jou pa semèn.

Chili grandi avè'w, ki fè pati Sistèm entèsektoryal pwoteksyon sosyal ki kòwodone pa ministè devlopman sosyal ak fanmi, ankouraje devlopman entegral ak byennèt tout timoun Depi nan kòmansman lavi a.

Yon Inisyativ leta chili a ki ap chache avanse nan yon sosyete kote fanmi yo fondamantal nan politik sosyal.